




ՄԱՍՆԱՎՈՐ ՎԱՐԴԱՊԵՏԱԿԱՆ ԳԱՎԱԶԱՆԻ ԻՇԽԱՆՈՒԹՅԱՆ ՏՎՉՈՒԹՅՈՒՆ

Սեպտեմբերի 18-ին, հինգշաբթի օրը, առավոտյան ժամը 11-ին, Օշականի ա. Մեսրոպ Մաշտոց եկեղեցում տեղի է ունենում մասնավոր վարդապետական գավազանի իշխանության տվչություն:

Ամենայն Հայոց Վեհափառ Հայրապետի կարգադրությամբ ուխտավորաբար Մայր Աթոսում գտնվող Հյուսիսային Ամերիկայի սրբեկյան թեմի ստաճնորդ տ. Թորգոմ արքեպ. Մանուկյանը մասնավոր վարդապետական գավազանի իշխանություն է շնորհում Մայր Աթոռի երիտասարդ միաբաններ տ. Գրիգորիս արք. Բունիաթյանին, տ. Մասիս արք. Գալստյանին և տ. Անանիս արք. Արաբաջյանին:

Մայր Աթոռի երիտասարդ միաբանները նախապես իրենց վարդապետական թեզերն էին ներկայացրել Վեհափառ Հայրապետին:

Նորին Սրբության հանձնարարությամբ կազմված հանձնաժողովը, որի կազմում էին ա. Գեղարդ վանքի վանահայր տ. Վահան եպս. Տերյանը, «Էջմիածին» ամսագրի խմբագիր և հոգևոր ճեմարանի դասախոս Արթուր Հատիտյանը և Մայր Աթոռի Միջեկեղեցական հարաբերությունների բաժնի քննհանուր քարտուղար և հոգևոր ճեմարանի դասախոս Պարզև Ծախբազյանը, քննելով ներկայացված ավարտաճառերը, իր գնկուցագիրը ներկայացրեց Վեհափառ Հայրապետին:

Սեպտեմբերի 18-ին, հինգշաբթի օրը, ժամը 11-ին, Օշականի ա. Մեսրոպ Մաշտոց եկեղեցում սկսվում է «Աստուծո մասնավոր իշխանության» տվչության կարգի արարողությունը:

Խարտավիլակի պաշտոնը կատարում է

Մայր տաճարի փոխ-լուսարարապետ տ. Վազգեն վրդ. Թադոյանը:

Տ. Թորգոմ արքեպ. Մանուկյանը շարականների, աղոթքների, սուրբգրական ընթերցումների համապատասխան կատարմամբ, աստիճան ատ աստիճան շնորհում է «աշակերտացն ճշմարիտ Բանին քարոզության զմասնատրն իշխանութիւն, որ է չորս աստիճան, ... յօրինեալ սրբոյն Գրիգորի Տաթևացոյ ճշմարտութեան վարդապետի, գերահանձար հոգևորի և անշաղթ ախոյեների սուրբ հաստոյ»:


Մեր եկեղեցում «մասնավոր վարդապետական գավազան տալու» կարգը շատ գեղեցիկ և իմաստալից մի արարողություն է, որը միաժամանակ թեկնածուների իմացական և հոգեկան աճի և պատրաստության վկայությունն է, որով նրանք իրավունք են ստանում շնորհաբաշխությամբ «քարոզելու գԲանն կենաց ողորմիտ քարոզութեամբ, յունկն հաստացելոց», «ուսուցանելու զոգէտս և խրատելու զստահակս», պահելու «զպատուէր օրինագրութեանց հարցն սրբոց՝ ողջամիտ վարդապետութեամբ, ըստ Հայաստանեայց եկեղեցոյ»:

Արարողության ավարտին տ. Թորգոմ արքեպանը մի գեղեցիկ խրատական է խոսում՝ շնորհավորելով նորընծա վարդապետներին:

Այնուհետև երիտասարդ միաբաններն իջնում են ա. Մեսրոպ Մաշտոցի դամբարան, վերակրկնում իրենց սրբազան ուխտը՝ անվանաճ սիրով և անպայմանավոր հնազանդությամբ ծառայելու Հայաստանյայց առաքելական սուրբ եկեղեցուն և հայ ժողովրդին:

Վերադառնալով Մայր Աթոռ, նորընծա վարդապետները, տ. Թորգոմ արքեպս.-ի առաջնորդությամբ, ներկայանում են Վեհափառ Հայրապետին՝ ստանալու Նորին Սրբության օրհնությունն ու շնորհավորանքը:

* * *



Տ. Գրիգորիս վրդ. Բունիաթյան

Ավագանի անունով՝ Գրիգոր:

Ծնվել է 1946 թվականին Էջմիածնում: Սկզբնական կրթությունը ստացել է տեղի № 1 միջնակարգ դպրոցում:

Հոգևոր ճեմարան է ընդունվել 1960 թվականին և ավարտել այն 1966 թվականին:

Ավարտաճառի նյութն է եղել «Ն. Ծնոր-հալու «Ցիսուս Որդի»»:

1965 թվականին ձեռնադրվել է սարկավագ, իսկ 1969 թվականին՝ արեղա:

1966—67 թթ. որպես ազատ ունկնդիր հետևել է Զագորսկի հոգևոր ակադեմիայի դասընթացին:

1969—71 թթ. իբրև հոգևոր հովիվ պաշտոնավարել է Ռոստովի հայոց եկեղեցում:

1971—73 թթ. պաշտոնավարել է Լիոնի հայոց եկեղեցում իբրև հոգևոր հովիվ օգնական:

Վարդապետական թեզն է՝ «Եկեղեցիների միության հարցը Էկումենիկ շարժման լուսի տակ և հայ եկեղեցու մասնակցությունն ու դիրքն այդ շարժմանը»:

* * *



Տ. Մասիս վրդ. Գալստյան

Ավագանի անունով՝ Արարատ:

Ծնվել է 1950 թվականին Էջմիածնում: Սկզբնական կրթությունը ստացել է տեղի № 1 միջնակարգ դպրոցում:

Հոգևոր ճեմարան է ընդունվել 1963 թվականին և ավարտել այն 1969 թվականին:

Ավարտաճառի նյութն է եղել «Գևորգ Դ կաթողիկոսը և Թաշնյան ձայնագրությունը»:

1967 թվականին ձեռնադրվել է սարկավագ, իսկ 1972 թվականին՝ արեղա:

1972—73 ուսումնական տարեշրջանում հոգևոր ճեմարանում դասավանդել է եկեղեցական երաժշտություն և խաղաղություն:

Վարդապետական թեզն է՝ «Մայր Աթոռի միաբան Հովհաննես եպս. Ծախապետյանցի կյանքն ու գործունեությունը և մատենագրական վաստակը»:

Տ. ԱՆԱՆԿԻԱ ՎՐԴ. ԱՐԱՐԱՋՅԱՆ

Ավագանի անունով՝ Ավետիք:
Ծնվել է 1951 թվականին Երևանում:
1958—68 թթ. սովորել և ավարտել է տեղի
№ 52 միջնակարգ դպրոցը:

Հոգևոր անարան է ընդունվել 1970 թվա-
կանին և ավարտել այն 1973 թվականին:
Ավարտաճառի նյութն է եղել «Ռուս պրա-
վոսլավ եկեղեցին»:

1972 թվականին ձեռնադրվել է սարկա-
վագ, իսկ 1973 թվականին՝ արեղա:

1973—75 թթ. էքստենս կարգով ավար-
տել է Զագորսկի հոգևոր ակադեմիայի
քառամյա դասընթացը և այժմ սովորում է
տեղի ասպիրանտուրայում:

Միևնույն ժամանակ տ. Անանիա վրդ.
Արարաջյանը 1973 թվականից առ այսօր
հովվություն է անում Մոսկվայի հայոց ս.
Հարություն եկեղեցում:

Վարդապետական թեզն է՝ «Ռուս եկեղե-
ցու կրոնական-աստվածաբանական գրա-
կանությունը հայ առաքելական եկեղեցու
մասին»:

*
* *

«Էջմիածին» ամսագրի խմբագրությունը
ջերմորեն շնորհավորում է Մայր Աթոռի
երիտասարդ միաբաններին՝ մասնավոր
վարդապետական իշխանություն ստանալու
առիթով, և ցանկանում, որ նրանք նվիրու-

մով և անշահախնդրությամբ ծառայեն Հա-
յաստանյայց առաքելական ս. եկեղեցուն և
Մայր Աթոռ ս. Էջմիածնին ու լինեն «մշակը
սուանց ամօթյու»:

